



TZENTRU ISTÒRICU CARRERAS BETZAS

Su tzentru istòricu est istadu su coro de Terranoa in s'època de sos giuigados e est marcadu dae sa forma ortogonale chi est cussa chi sa tzitade aiat giai dae sa nàschida.





TZENTRU ISTÒRICU CARRERAS BETZAS

A custu tempus si podet collegare sa segunda tzinta murària, de sa cale nd'est istadu agatadu unu bìculu in su mentres chi fiant fatende sos iscavos in sa carrera de via Garibaldi. Sas domos de sas carreras de su tzentru, connotas comente carreras betzas, sunt de su sèculu XVII-XVIII; in calicuna s'agatant ancora sas iscritas subra a sas traes de luminarzu in granitu, cun sas lìteras iniziales de sos proprietàrios, cun sìmbulos cristianos e cun s'annu de fundatzione, usàntzia custa chi s'agatat finas in àteros tzentros istòricos de sa Gaddura.





TZENTRU ISTÒRICU CARRERAS BETZAS

Sas carreras Cavour, Garibaldi, Olbia e Romana, a parte a èssere importantes pro sa presèntzia de custas epigrafias, mantenent in suta de terra carchi situatzione archeològica de interessu mannu.